



Istraga organiziranog kriminala u Banjoj Luci

Policijski službenici Državne agencije za istrage i zaštitu (SIPA) su u ponedjeljak na području Laktaša i Banje Luke pretresli objekte na četiri lokacije zbog postojanja osnova sumnje da je počinjeno krivično djelo organizirani kriminal, u vezi s krivičnim djelima poreska utaja ili prevara, nedozvoljen promet akciznih proizvoda, nedozvoljeno skladištenje robe i obmanjivanje kupaca. Pretreseni su poslovni objekti dvije pravne osobe i dva stambena objekta.

Tokom pretresa pronađena je i privremeno oduzeta ilegalna linija za pretakanje i preradu baznih ulja i njihovo pretvaranje u pogonsko gorivo, poslovna dokumentacija, automatska puška, ručna bomba, više komada municije i drugi predmeti koji mogu poslužiti kao dokaz u daljem postupku. U službenim prostorijama SIPA jučer je saslušana osumnjičena osoba inicijala G. P.